

## 本校特色-持續培養校內小小解說員

以本校歷史建築及特色景點為校訂課程，自編教材-解說稿，訓練小小解說員，介紹學校環境特色。



培養小小解說員為歷史建築-日式辦公室進行解說



培養小小解說員為歷史建築-日式校長宿舍進行解說

## 辦公室篇 解說稿

( ) 部分國語 ( ) 小字解釋前字

各位貴賓逐家好 我是新東國小五年甲班的\_\_\_\_\_，真榮幸會使為大家介紹阮新東國小的辦公室。阮新東國小站佇台南縣後壁鄉仕安村跟即麥現代國小誠大間的大樓辦公室無同款的是 阮有一間日本風味的辦公廳 伊著是你現再看著的一棟厝

一間辦公室起佇民國四十七年，逐家若佇熱人來的時 一間辦公室會若像咧辦喜事同款 因為邊仔種有（阿勃勒） 伊的開花期是佇熱人若開花時 規欉樹仔黃帕帕 若像穿黃色禮服的新娘同款 閣加上落甲規土腳的花蕊 像鋪一層黃色地毯 規個辦公室頭前真鬧熱閣真水；除了（阿勃勒） 著是辦公室頭前這二欉（高大挺拔的南洋杉） 遠遠看 若像手持彎刀的守衛 咧守護一間日式辦公室。

佇建築物的外型，咱會使看著伊閣保留四十年代的原貌 外口壁頂懸是編仔壁，中央部份是雨淋板。俗稱「雨淋板」因為伊重疊方式像魚鱗同款，所以閣號作「魚鱗板」落雨時 雨水順雨板流落來 袂造成積水。

規個建築物的作法攏傳承日本建築方式，毋閣起造是本地師傅家己來的 所以會使講是 MADE TAIWAN MADE 新東 嘛乎一間厝有本土性更加有保存的價值 一間厝閣有一個特色 著是窗仔門攏是柴做的 門嘛攏是

踏入辦公室，會乎人若像轉去到四十年代時同款，辦公室毋若見證著新東的歷史 台灣教育的演變 嘛見證以早嚴謹的日本教育 毋閣日本時期嚴肅氣氛已經看袂著啊 即麥攏是咖啡芳 茶芳 閣有講笑聲跟打球聲 有閒歡迎你常常來開講泡茶喝咖啡 多謝大家 多謝

## 桃花心木篇 解說稿 ( ) 部分國語 ( ) 小字解釋前字

各位貴賓逐家好 我是新東國小二年甲班的洪渝蓓，歡迎逐家來到阮新東國小上"詩情畫意"，上浪漫的所在，著是逐家所站的一條("桃源小徑")，一般咱若想欲看著樹葉仔滿天四界飛，攞會想著愛佇秋天，毋閣有一種樹仔卻是真特殊喔！伊是揀佇春天的時陣這拼命落葉仔，一種樹仔著是逐家眼前一片桃花心木，桃花聽起來敢是真水名，桃花心木之所以稱作桃花心木，迨是因為伊的樹心，若像桃花的色緻，所以乎人號名「桃花心木」，桃花心木嘛是製造家具的上等材料喔！續落來 我閣有一個同學欲來跟大家介紹桃花心木的歷史喔

各位貴賓逐家好 我是新東國小二年甲班的黃薪慈，人講：前人種樹，後人納涼。真正對！因為阮新東國小一片桃花心木，可是有歷史的喔！本校運動埕兩邊，差不多欲百外欉的桃花心木，是五十幾冬前的全校師生共同栽種的，嘛這有即麥著呢優美的景觀；清明節前後，樹仔頂的葉仔滿天四界飛，規個運動埕，攞會若像一片天然的落葉地毯，迨時陣光禿禿的桃花心木樹頂，會使看著一粒閣一粒，若心臟形的果實，常常吸引著校外的遊客，惦著流連觀賞。

阮一陣同學上愛佇滿滿的葉仔地毯頂懸走來走去，因為這時你著會聽著樹葉仔，敢若會講話同款「悉刷！悉刷！」耍忝啊（玩累了），我著會做惦”千秋”頂懸，欣賞（「落葉雨」）。桃花心木毋若是實用閣好觀賞的樹仔 而且嘛是真好耍的佚陶物仔 我著來請我的好朋友來教大家欲按若要

各位貴賓逐家好 我是新東國小二年甲班的洪于萱，阮學校有一個無人有的「桃花心木週」，這嘛是本校才有的特色課程。逐冬桃花心木全部的葉仔落了了，阮全校的師生，攞會做伙拼掃，共葉仔清乎清氣噹噹，然後著換桃花心木樹頂迨粒種子欲表演啊，當大大的果實開始熟透，伊著會裂開，內面著會有像卡通「多啦 a 夢」大雄頭殼頂的竹蜻蜓，佇天頂飛啊飛，若一時閣有一陣大風吹來，你著會看著足濟竹蜻蜓佇天頂咧飛，這粒種子著會飛到足遠的所在去生淡，所以桃花

心木的種子，是一種帶翅會飛的種子喔！然後閣有逐家看著的我手裡一蕊花，這是桃花心木種子的（” 蛹” ）啦！是伊欲成熟進前住的厝，所以你看 物盡其用喔！我的介紹到著，歡迎大家來阮 新東國小 佚陶。